

اداره خانه سی : دارالفنون
قارشینده کاش حسن پاشا
مدرسه سی داخنده در

مرکز توزینی :
باب عالی جاده سنده (اتحاد
تجارت) کتبخانه سی

آبونه بدلی :
سنه لکی ۱۰۰ غروش
آلتی آلتی ۵۰ »

آبونه قیدی معامله سی هر سنه نك بونجی
وایکینچی آلتی آلتی اعتباراً اجرا اولونور

دینی ، علمی ، ادبی ، اجتماعی و سرری

محفصل

۱۳۳۸

مجموعه ابروی سی

صاحی ، مدیری ، محرری :

اسلامك نفعنه خادم مقالات
مع الت شكر قبول ونشر اولونور

يازانك شخصیتی دكل، يازينك اهمیتی
نظر دقته آلتییر .

كلن يازیلردن شایان قبول کورولنلر
تاوخی صیراسیله درج ایدیلیر .

کوندریله جك آثار ، اوقوناقلی
و مختصرجه یازیلش، اولمالیدر .

ذی القعدة
فی : غروش
۱۰ ۱۳۴۱



عدد
جلد
۳۷ ۴

افاده مخصوصه :

عون النہی و امداد رسالتیناهی یہ استناداً محفل
مجموعہ سی بونسخہ ایلہ دردنجی سنہ انتشارینہ داخل
اولیور . اوتوز آلتی نسخہ کوروان انتظام
نشریات ایلہ تنوع و تکمل مندرجاتک یوندن صوکراده
مع زیادہ کورولہ بیلیمہ سنی توفیقات ربانیہ دن امید
ایدہرم وسطور آتیہی مطالعین کرامک نظر دقتہ
عرض ایلرم :

۱ - محفل اداره خانہ سی ، دارالفنون
قارشیسندہ کائن حسن پاشا مدرسہ سی داخلہ نقل
ایدیلشدہ . مکتوب کوندہ رمک ، یاخود صاحب
مجموعہ ایلہ کوروشمک ایستہینلرک ہرکون اوکلہ دن
صوکر اورایہ مراجعت بویورماسی ،

۲ - مجموعہ نک صحائف محدود اولماسنہ بناء
خارجدن یوللانیلہ حق یازیلرک ممکن مرتبہ مختصر
وبالخاصہ مفید اولماسی ،

۳ - آہونہ قیدی معاملہ سی ہر سنہ نک برنجی
وایکنجی آلتی آیلغندن اعتباراً اجرا ایدیلہ جکندن
آہونہ اولاجقلرک بوجہی نظر دقتہ الماسی ،

۴ - کچن سنہ ۱۰۰ غروش کوندہ رمش
اولانلرک آہونہ مدتی ختام بولدیغی جہتلہ تجدید
ایتمک ، یاخود آلامق ایستہینلرک اداره خانہ یہ
معلومات ویرمہ سی ،

۵ - حیتلی قارئلر مرکز اخوان ویارانی تشویق
صورتیلہ محفلک انتشار و دوامہ خدمتہ بولونمانسی .
باقی ومن اللہ التوفیق

طاہر الطولوی

محفل دینی و علمی :

تفسیر لہ - مفسر لہ

حضور ہایون خلافتیناهی درس شریفی مقرر لرندن
وسلیانیہ مدرسہ عالیہ سی مدرس لرندن برغمہلی جودت

افندی استاد فاضلہ طرفندن بو عنوان ایلہ یازیلش اولان
اثر مهم ، فاضل مشارالیک لطف مخصوصیلہ بونسخہ دن
اعتباراً محفلہ درج ایدیور .

قرآن کریم ایلہ تفسیر و تأویلنہ ، تلاوت و کتابت
اعتباریلہ کیفیت جمعہ ، بالروایہ وبالدرایہ تفسیرہ دائر
معلومات مفصلہ ی ، بردہ مفسر لرک طبقاتیلہ مختصر
ترجمہ حاللرخی احتوا ایدن بو کتاب مفیدی مجموعہ نک
جمعی نسبتندہ و قسم قسم اولہرق نشر ایلہ یہ جکر .
مستعیناً باللہ ابتدا ایدیور :

جمع قرآن

جمع قرآن ایکی درلودر . بری تلاوت ،
دیگری کتابت اعتباریلہ در .

تلاوت اعتباریلہ جمعی : قرآن کریمک زمان
سعادت اقتران محمدیدن انقطاع وحیہ قدر کذران
اولان مدت ظرفندہ اصحاب کزینک حفاظی طرفندن
شیمدیکی او قود یغمر مقدار دن نہ اکیسک ، نہدہ
زیادہ اولمایہرق حفظ و جمعندن عبادتدرکہ بوندہ
قطعاً شہہ یوقدر . یالکز شوقدر وارکہ اوزمان
سور جلیلہ شیمدیکی ترتیب اوزرینہ مرتب دکل
ایدی . چونکہ ارجح اقوالہ کورہ قرآنک نزولاً
الکصوکی بولونان (یاایہالذین آمنوا اتقوا اللہ وذروا
ما بقی من الربا) دن باشلا یوپ (ثم توفی کل نفس
بما کسبت وهم لا یظلمون) جملہ جلیلہ سیلہ مسکی-
الحتام اولان آیات جلیلہ دن صوکر حیات پیغمبری
آنحق طقوز کون امتداد ایدہ بیلدیکنندن ترتیب
سورہ میدان قلامش ایدی .

ایستہ قرآن کریم عظمای اصحاب کزینندن
(ابی بن کعب) (زید بن ثابت) (ابوموسی الاشعری)
(ابوالدرداء) کی ذوات کرام و باخصوص حق لرندہ
(بحسبہم الجاہل اغنیاء من التعفف) جملہ جلیلہ سیلہ
توصیف قرآنی شرق نزول ایدن ونواحی و بلدانہ سوق
اولونہ کلکدہ اولان مفرزہ لرہ ترفیقاً تعلیم قرآن ایچون
کوندہ ریلن وعد دلری یوزی متجاوز بولونان (اصحاب